



10930

朱密所先生密林漫稿卷之三

門人

金陵韓國藩

集蔡

宛陵湯瑩

編次

友人

高安謝與棟

校閱

金谿周文明

選梓

伯孫朱恒敬

仲孫朱惺敬

季孫朱謙敬

全校

墓誌銘部

附墓表碑

明歸州刺史南洪吳公墓誌銘

密林漫稿

卷之三

一

公諱守忠字子順別號南洪其先出句吳太伯之裔傳

宋南渡有翰林學士吳景和者始自固始遷撫之金谿

又數世而有千八者復自金谿徙高安之和溪里居在

高上界多占籍上高公以上高邑學生起家余方垂髫

公已英英稱名士年與地懸雖聲聞有耳不名深知迨


乙巳嘉平余以得告還里中公已先一月捐館舍矣歲

之戊申冬公子士魁士先塋公有期自爲狀匍匐請曰

先大夫無祿卽世位不滿才今墓門之石敢假彖史筆

令先大夫不朽則二孤藉以報先大夫于冥冥二孤感

且不朽余不幸不及奉公教猶幸及公伯子周旋不我



彼季子嗣起稱二難二難正偕余子紀弟寵以道義之
好爲文字石交而伯子于寵復聯因亞余子弟嘗嘖嘖
二難趨操不苟學富才雄自國家經畧幹濟之大以致
錢穀零星之細上自羲軒經傳之遠下及裨官野史之
傳以至往古姦節奇行暨人情世故之委洞若觀火論
才推管葛韓范論詩推曹謝陳杜論文推左馬韓柳論
諸儒推伊川考亭及近時胡薛諸公余忻艷嚮王私意
二難卽天授必師承有自者茲讀二難所以狀公纏纏
數千言乃今而後知淵源自公也按狀公高祖某以識
抱爲黃宗伯畏友曾祖某以節俠雄授散官有司義之
密林漫稿

卷之三

一

再致賓筵而表其閭祖某以文行爲外父李學授禮重
父某欲以武畧顯弗果是爲秋岡翁娶于杜感異徵而
生公咸謂吳氏四世人豪茂實發光長發其有待乎公
生而穎特機敏迥邁凡兒纔就蒙塾日誦千餘言一目
不再容襍試之立應靡不咋舌驚羨非池中物也十三
能文崑山諭劉龍山先生慎許可見而大奇之十九出
試輒首郡邑士學使者亦前列予觀場甲子賓巖何公
置高等爲廩生丁卯以毛詩魁江右丁丑房師王忠銘
先生手其五策曰此經濟宿學業在賞錄又以論義小
不及格置之乙榜公念秋岡翁春秋高皇皇祿養遂調

選署隆平教諭事隆平故代地土雄氣槩而遜于才情
公取江左風雅追琢金玉之彬彬質有其文是科得雋
三人公作人功偉矣應聘山西分校舉七人多知名士
癸未上春官竟不第遷令福之龍巖邑故山瘴多獷盜
僻頑鬪訟期隱田糧奸究叵測公下車旦暮兢兢與之
更始申飭所軍汰游食清實畝一時政平訟時尤加意
學校月朔聚講泮官捐俸置學田不期月而邑稱大治
有抱冤覆盆十年者公立訊發其覆精明揮霍臺司頗
切推轂竟格于郡守循資擢歸州刺史歸古夔子國楚
蜀聯壤民徠雜居控制爲艱公喜地可表見一切綜核

密林漫稿

卷之三

三

振舉大者如按行差次奏免蕪田十之三捐俸鑿涿灘
江心巨石利垂萬世州當孔道舊以借辦累民公秋毫
出官帑不足則以私橐濟濟士大夫至是邦者交口德
公云奈何以千里材伏轅下乎臺使者薦凡四上有冰
蘖水鏡干將鏤錙語乃壬辰大計仍以龍巖議調浙之
分水公之不幸寔秭歸之不幸矣公初決于拂衣時秋
岡翁尚書欣欣有西湖嚴陵覽勝之興公以養志之分
水歲餘治傲前州縣不以左遷芥蒂屑越其民民安其
治無何以晉王府審理致爲臣而歸公年方逾五旬強
幹鬢髮正可投宏肩鉅遽謝曳裾賦歸來卜築五柳之

居欲有所論著以未究之用發舒於詞林圖書盈架非
明農課子則抱膝當軒日有換記倦則引觴浮白酒後
耳熱而呼烏鳥望者以爲神仙中人公居字孝友十二
失恃撫棺慟哭曰從此以往一絲一縷能及吾母乎事
繼母毛終身無間言秋岡翁七十七公五十六色養孺
慕不異少時秋岡翁見背經年淡素遠音樂喪葬以禮
季父某公視之如秋岡翁視其子憲愿如同父同父弟
恕蚤卒撫其孤士機成立猶子杜有內弟流落京師公
入覲携歸爲之授室分產業傳有嗣內外戚屬爲授室
分財者數人待公舉火者數人歲時問遺衣絮酒粢者
密林漫稿

卷之三

四

數人其稱貸讓息焚券者又若干人政于家者一紀偶
得末疾逾年而劇公子二難侍疾猶侍酒酒中嫻嫻今
古不休如傳如訣遂終正寢嗟嗟余不讀二難所以述
公狀幾失公矣余不能文復不能爲諛墓文公有二難
爲之子則是父作之子述之余以述者信其作者大都
公之胸襟磊落才氣英邁素優幹濟亦饒詩史不左于
遇樹立可以名世不右于遇著作可以登堂公所 有
某某 自言壯廢于酒中廢於仕晚廢于疾不能專精
一家公生平盖可想見矣公生嘉靖辛丑六月十四歿
萬曆乙巳十一月初六享壽度花甲五年元配羅氏邑

庠生羅公汝達女生六子士魁廩例國子生娶庠生惟誠女繼胡氏次士元士光邑庠生娶毛氏俱天次士先邑庠生娶張都運東暘女次士充士充俱殤孫男四士魁生人偉聘余弟邑學生吾寵女人傑聘王孝廉世臣女人佳未聘士先生叔堅聘聶侍御公伯子邑學生棟女孫女四鉄鎮皆士魁出鉄適黃昂鑰許聘李彩士光出鍼許聘諶乙文士先出公之以
年 月 日 葬于某山首某趾某爲塋嗟嗟古負才名湮沒者何限公復多令子余觀二難之志之才歐陽公謂龍岡旣表有待姑爲之銘以塞二難固請銘曰宜爾高第胡爲跋且

密林漫稿

卷之三

五

寔宜爾崇階胡爲歷且踣宜爾壽考胡不偕老宜爾未央胡然溘亡漠漠浮雲孰如令名烝烝子姓勃勃英聲萬禩不朽眎此貞珉

贈文林郎鄖西令碧潭胡翁墓誌銘

贈君碧潭胡翁楚令尹洙水公尊人也捐館廿有八載令尹泥形家言亦欲須 恩綸而後襄大事懃顯揚之孝于今秋方緣鄖西 奏最 勅贈翁如其官令尹幸遷秩還偶近居得吉壤以茲壬戌春王正月六日之寅爲窀穸吉期遺書曰惟我先考積德累行以大庇于我後之人惟 聖天子寵褒小臣以上及其所自出 君

親恩重墓石不可無刻示永久自爲狀請誌而銘焉按
狀翁諱然字安然別號碧潭出先出唐華林胡氏至宋
散徒豫章而徙高安之龍口者則臺諫大夫鑑也鑑五
世元常始徙橫江今開柵碁置者三一曰嶺窩又改徙
自元常六世孫能定者能定生義顯義顯生如德中

國初人才科任彬州知州曾孫曰本資穎敏有大志稍
長吟和以數竒去儒爲椽復去椽而隱窩之東臯築草
堂自娛陶陶於林泉魚鳥間第子若孫義方之訓兢兢
不問生殖載德不仕寔生贈君翁翁朴茂孝友初就外
傳一意業儒期遠大會宗有談祿命者談其干支當以

密林漫稿

卷之三

六

子貴不能自致青雲翁初疑而雜驗之竒中乃嘆曰嗟
乎天限我矣遂棄而代父任家秉務居積精究于支玄
理獨淹貫諸家言其雜驗之竒中衆術靡不首推讓翁
者撫然曰嚴君平賣卜依卦辭以忠孝教人吾言命獨
不可由之耶故凡問命者必直指休咎諭以順受而里
中輒信之安分省事所禪不少曾挾刀布楚遊楚人知
其擅干支叩者趾錯於道而刀布子息遂倍他客翁善
居積不自私利翁之翁有營繕宴會交際一切取給且
預度家計先意備待之故翁之翁於諸子姓恒嗃嗃而
於翁獨嘻嘻若翁之友於二弟季天仲貧出私橐與仲

柝箸以快親心則晚近所覲希矣義所當爲力所可爲
他如修橋施棺焚券義舉里人德之種種再索而得令
尹岐嶷挺生命合貴格喜曰亢宗貴我者必是兒也雖
家以市義漸落不憚破產延師或資之遠遊取友淬勵
令尹旣冠多士廩邑庠意一第芥拾得躬食其報何令
尹捷于丁酉翁遽訣于甲午重兒必中第吾不及見嘆
耶翁信生寄歿歸數已前定臨終嚴作佛事戒謂乾坤
處處是日臨月照之區更何處着此境界識超物表宜
其貌無氣岸腹無曲腸飲人以和檢身若晚七十六年
足不涉城市膝未屈官府居鄉惟密長厚交遊酒數行

密林漫稿

卷之三

七

輒醉睡類羲皇上人依稀乎君平市卜適世無求者今
令尹奉 勅命譽命煌煌翁儼然稱邑大夫于支誠以
子貴子撮其行而稱之曰知命君子可已翁生嘉靖己
卯十月朔卒之歲則萬曆嘉平四日辛酉九月以鄖西
考績 覃恩贈文林郎知縣配陽繼晏皆贈孺人佳城
負乙抱辛男三伯維祥壽官陽出室陳仲卽令尹維翰
今陞楚府審理室黃封孺人季維祐室表皆晏出女一
毓秀陽出適修仁簡男孫五祥子德潤室熊俊邑庠生
室陳德涵室朱令尹子德林邑廩生室舉人別駕潘公
志立女維祐子德泳室黃女孫四祥一菊貞適黃菽吳

令尹三大妹適堆頭晏瓊英許聘傳侍郎孟春公伯孫
澗未行而殤季文適聶侍御應科公仲子國學生棨曾
男孫十二潤子四旌善室鍾嘉善聘吳聖善恒善林子
三承熙聘曹侍御公汝蘭伯子舉人杞公女承朗聘霸
州知州陳公廷策女承亮俊子三報善秉善友善涵子
二遷善進善曾女孫五潤女愛英林女夔夔許聘于季
孫懌敬俊女清卿宜卿清許聘雷涵女郡英螫螫胤祚
疇非慶餘銘曰 華林之胡豫章同龍口臺諫筠顯宗
橫江鼎峙嶺窩雄 國朝賴有彬州公彬州刺史脫囊
中三傳清隱窩之東贈君才志號穹隆干支自泥斂其
密林漫稿 卷之三 八

絳令尹赫赫首黌宮巍然高科振英風一意顯揚取

恩封直行已志耻迎逢旣登薦剡懌初悰遂薄曳裾向
王門天錫純嘏報若翁佳山佳水氣瓏聰况復蘭桂馥
叢叢子銘貞石兆勒鍾

外祖孝靖先生梅臯黃公墓誌銘

先生吾弼外祖也捐館四十餘載塋時三孤皆冲齡友
晏三峰姪履謙鑿持臆誤藏非地弼隨先侍御公臨穴
執紼先侍御公尼弗能私語弼曰待三孤壯當從史改
遷於異日幸舅氏成立孟仲列弟子員季克家久延堪
輿爲起遷計符先侍御公藻鑑今萬曆丁巳伏夏始獲

從屏山吉壤庚塋焉弼憶纔四齡先生每與龍溪見沙
三公危坐談學弼嘗前膝傾聽喜孺子可教教之歌詩
學古人今上癸酉改元上 聖母二太后尊號頌

詔天下先生以正貢生赴郡領詔開讀假道宿弼家明
日爲弼冠期先生喜甚曰此外孫封親兆也口述三加
醮詞成冠禮勉之弼於先生存日無歲不省覲或蒙養
其家朝夕提命知先生悉非舅氏鉢鎧遺狀下委誌銘
墓石亟思書狀爲先生丐名筆表章而命旣及之敬端
拜誌曰先生諱侍字君敬別業樹梅學者稱梅臯先生
家上高河陂團之白沙灣爲郡邑望族其先忠恕公宦
密林漫稿 卷之三 九

勵清節河澄公隱酣琴書代有聞人曾祖璋公還金標
譽祖與公規恢好施父介翁公尤富而仁義附焉世以
載德雄里中母况氏實生先生幼岐嶷恂恪迥別凡兒
迨服習詩書細心體認卓然抱希聖希賢大志有叔度
子國顏子之望制藝必探理窟超脫蹊徑弱冠泮遊試
輒冠諸生學使者鄭環浦蔡可泉鄭篁溪胡青巖王敬
所黃滄溪諸公往往稱其學有淵源文無俗韻期元魁
可取莠者數竒頻躋頻奮惟孝友爲兢兢介翁四子屬
伯仲以居積屬先生以顯揚季以少子憐愛驕養獨豪
縱不羈家業漸淪先生篤愛憂恤若介翁意嘗嘆曰吾

急進取急祿養耳非自急名寵二兄能爲父持籌號素封吾不能爲父捧檄附青雲奚以家爲故介翁囊貲長物終不齒及季夫嬪相繼不祿莫克殮櫛了喪塋先生一一代季孤任子道撫其遺孤二子二女育之教之子婚而女嫁之先生又一一代季孤任父道且也長孤女及笄與先生次女遣嫁會兩備奩儀寧於孤女多所厚善憫季於九原晚近不再屈指者先生蚤年艱嗣繼伸季子鉅孩育長鞠擇配延師百爾止慈已成庠士名足倚持門戶乃先生市義產薄仲產滋厚鉅請歸仲先生懽然恣其歸無非友于其兄先生兄弟怡怡終世無間

言愛諸猶子僉同己子造就功宏觀仲叔子益謙公鑑捷忻雀躍曰兒輩破敵光前有人吾行休矣兩以貢讓友一則二友爭貢歸先生寧剴切諭爭者定之一則正貢友勢難脫穎矜其衰貧倡同陪不作判讓之人知先生篤友誼淡世味不知其傷祿弗逮親風木情重耳學本求仁一腔惻隱觸之則應衣食棺衾其殘廢無告者又精方脉儲藥材廣濟貧病務保安全間餽鷄酒亦固却戊辰斗粟百錢饑孳慘目窮其有拯之多所全活寡人負責者貸無門惟先生貸倘有訝者則曰忍彼立稿乎嘗出鑿資人生計其人空手還復資之其人復

空手還則呼而折券安之有謂其專扶爛船者笑而不
荅祭於學宮遇齋夫子市帛亡金父執子痛笞子窘將
投溺先生哀而解所懷金予之得不灰見籠蛙雀射利
者售其直而生放之蛙雀出籠有回翔舞躍之異室樓
幾遭鬱攸群雀噪覺撲滅依稀黃衣環報矣先生醇朴
恬然而植弱維風又其一體天性故於闢葦孺子則誘
掖周助必玉之成於橫強悍夫必正色繩以禮法卒之
降心改行凡有忿爭質成者非釋之片言則力爲曲處
族隣徐化耻以鬯鬻聞先生不翅彥方在里先生歿諸
角牙逞者輒追思曰某在有是哉當嘉隆間理學聚訟
密林漫稿

卷之三

十一

右文成而左宋儒先生曰吾求之倫物性命集諸先正
大成何同何異嘵嘵爲也不言躬行冥修密証所謂慥
慥君子者非耶龍溪公文懶齋公嗜理學者勅其子曰
吾不必若顯若做人如某甲足矣其尊信乃爾先生之
孝友仁讓動法古人素位樂道惟以身垂訓考終絕不
繼滯身外想誠可法可傳而諸所博洽其緒餘者士林
頌式官師推賢學憲邵公直指任公燕公邑侯程公庠
師俞公毛公梁公先後旌賚表其廬蓋無忝祀鄉賢者
先生無子有子皆肖子而子姓彬彬士林足竟未竟之
志取綸章華袞先生天道終不忒弼姑誌其大凡如左

先生以正德乙亥年閏四月十八日生萬曆丙子年十一月二十九日卒元配正室朱孺人生子二殤女二長清娥封孺人適先侍御松岡公繼通卽生吾弼與季弟庠生吾瞻先妣也次足娥適大僕寺丞趙龍窩公伯子南川先生女次鉢庠生娶羅次鎧娶鄭繼羅繼漆孫男五人啓宸天啓沃娶陳鎮出啓思庠生娶雷鉢出啟懿娶鄆啟洸娶李鎧出孫女三一適趙一適易一聘聶曾孫男七啟思生綦尊摹啟沃生榜標啟懿生相樓曾孫女三鉢鎧等擇今丁巳年六月十四日未時之吉安厝

密林漫稿

卷之三

十一

先生本邑屏山之陽抱丁負癸同李碩人爲塋域吾弼告休沐仍躬親窀穸之役先生已孫眎弼清貧莫報罔極因謀之同志諸君子私謚先生僉曰跡先生行可孝靖按謚法慈惠愛親曰孝寬樂令終曰靖私謚非古也然使易名之典而不必崇仕名實相稱先生則其人者矧有王文中孟貞曜故事耶弼僭爲題其墓曰 明孝靖先生梅臯黃公之墓銘曰濬哲維黃名賢挺生先生之賢志步朱程倫物性命默識躬行孝友仁讓衆倚平衡孚人格物動於至誠家邦必達生蒙賞旌歿稱孝靖私謚公平鄉社崇祀久繫輿情屏山仰止先生佳城銘

者廷尉先生彌甥

明孝廉學博張君我素先生墓誌銘

余於張君曾同講執其尊人別駕公又同庠先進稱兩世通家君遂以女女余長孫今遽無祿卒於官且歸窆窆則誌其墓而銘之余奚能辭誌曰君諱汝位字子虔別號我素世居高安義城里發祥於九世祖若湖公邇傳行謙公曰英公美欽公具載吉德至君王父冠帶鄉飲賓紹魁公彌篤厥祜而昌大之由明經選官至雷陽別駕南郊公燔則君父也君生而岐嶷英穎勺年嗜書迥超群兒張大叅青徠公傳經君家見君則國器竒之

密林漫稿

卷之三

十三

曰何物寧馨乃爾重置之座偶一習制義俊逸絕塵目者艷非凡品君復攻苦淬勵志忘溫飽絕無少年態故君王父喜別駕公亢宗有子珍護萬常壬午列諸生而歷諸生試輒出諸生頭地君王父齒德邑衿紳共推達尊當如例加冕衣裳別駕公唯唯君勃然不可謂弗克以子姓光顯孝慈之謂何甲午中江西鄉進士榜君王父尚健隨陳情督學使者查虞臯公嘉尚賜式穀貽芳扁旌其門行郡縣以壽官列之賓筵君果不食孝慈初言矣別駕公膾廩有年偶遭蹶奪將安義命曰吾兒做吾不做可君曲慰別駕公誠信何常力鼓翼之以玉其

成丙申竟登歲薦從司訓高等僉判雷陽君幸有別駕
公是父別駕公庚幸有君是子也庚戌下第業六上春
官知交從史君謁選君辭以一日養勝三公鷓鴣枝棲
烏鳥哺返孰爲快與策馬遄歸作雷陽定省計僅月餘
而聞訃君傷藥殮弗躬抱恨終天慟哭顛頓絕而復甦
族戚唁者僉云安母夫人爲大孝君恐增母夫人悲強
起讀禮奔喪祭葬靡忒于儀唁者又僉云別駕公齋志
以歿天其以嗇之別駕公者豐之君乎奈何癸丑仍下
第時母夫人春秋高矣君思祿養俛而捧學博檄將母
夫人之進賢任進賢才士甲江省君下居升堂身任作
密林漫稿

卷之三

十四

人溫色笑秩科條忻慕鹿洞蘇湖教法而士有孝行苦
節者優之半菽不飽者周之直道義相成邑多賢士大
夫群然賢之于韓直指公不數月有芹藻暫借雪螢棘
闈須騰霧豹之獎君一意奮發與進賢交相師友君自
恥一第如取携進賢士視君殿換如取携耳君素有痰
疾倏以痰痲而逝詢其日居食對客匪直無亡徵寔無
病徵天不可問君不能語止目七旬母夫人又終天抱
恨於冥冥與慟別駕公埒也孝哉哀哉君生平孝友謙
冲勤學好古外剖藩籬內嚴矩度與人推心置腹無論
逃疎居鄉急急善善不翅躬親鄉有忿爭持正解分無

不當心而得雋若固有非公無私謂器識又自別尋常
尤有意作者詩必談李杜文必談秦漢以上雖西竺柱
下亦多傍及嗟嗟以君之才之志所就止此余不能不
爲君惜者君元配敖氏繼袁氏生女尹秀適上高田北
徽太守咸虛公子廩生文遂子崑繼本縣黃菽吳賓陽
公執中女生子鶴和聘五里諶郁然女文二長妹秀卽
余子廩例生家紀長子恒敬嬪也

熊思劬年兄墓誌銘

萬曆丙申冬十月南京刑部主事思劬熊公修故實以

仁太后山陵襄事上百官表其同年友朱某時官任南

密林漫稿

卷之三

十五

京福建道御史追而將之江東門把袂淚落悵歲月別
耳匝月而弼聞嚴慈訃歸公亦爲錦遊弼毀瘠奄奄伏
出辭公唁吊覲公南行可宿宿信信我寬我宿宿信信
哀苦丁酉初夏公遽卧疴不起越明年己亥三月其諸
孤麟夫輩將奉公卜兆于祖塋斂形負丑面未自爲狀
泣請曰先子病且革命諸孤曰我死必得年丈朱諸卿
銘弼聞之愴然不覺泣下白門祖道遂成永訣已矣屬
纘之託余安忍以弗文諉公諱敏字汝顏初號小川思
劬其庚號也生鹽邑世家代有顯伐自遜軒五傳英平
爲功大王父偕王父茂才公珮世載吉德父貴臣以公

最贈文林郎孝友端懿邑稱長者母蔡孺人寔生公蔡孺人爲鄉進士學正錦之女以嬪德著誕公之辰夢七世祖母抱一奇兒予之謂是兒不凡可換以金釵生時單以籠公果應夢而誕因乳名單甫能言輒穎異加人文林公口授書史立成誦日數千言垂髫邑稱文士督學許石城公擊節賞識補邑弟子爲第一人時年十二人艷羨甘羅更生一第當芥拾爾乃七困鄉闈丙子肇遇莊司寇校士再以第一廩公家又一困鄉闈迨己卯方登薦庚辰中乙榜嗣兩蹶公車己丑成進士出令徐聞七年而擢南北部未三年而遽卒嗟嗟乎傷哉天曷密林漫稿

卷之三

十六

豐公之生喬公之際詘而信信而詘而信竟不勝詘耶公溫文孝友少于文林公孺人未嘗昕夕離長藉藉有聲師資者雲集雖厯職業乎三日必歸省束修入必恣兩尊人用爲愉快兩尊人嘗喜自饌公快快不及共子職萬一拉伯兄汝賢公力請俞請則囑配羅孺人勉備甘脆兩尊人安之文林公壽八十衆推齒德達尊賓于鄉蓋奮淬默禱以一第悅老親曰匪敢貪榮也孝誠所假已卯果與計偕因念兩尊人生我劬勞易小川舊號爲思劬決意終養還稟兩尊人以兒附名鄉書不至拓落可少副老父母初心事老父母之日短願憐而得班

舞滅下兩尊人強之逡巡北征庚辰以數竒隨兼道馳
養無何林公捐館改歲辛巳蔡孺人復棄公矣公哀慟
如孺慕祭塋率規于禮趾文林公睦族憐貧之美凡同
支諸父兄弟上下賻喪興廢繼絕量所能致靡吝也丙
戌抖擻爲焚舟計則曰報父母在此一舉寧齷齪自爲
功名者仍勵而挫就教舒城首端士習却贊爲恒至捐
俸薪給貧士臺使者舉廣文多右公公遂應聘分薦閩
士士得雋倍儕侶若高太史黃侍御其脫穎錚錚者他
雋需鴻舉未可盡公以人事君之忠矢矣旣占高第自
信得之孝弟忠信賤書諭諸孤曰而父平生受用孝弟

忠信四字而輩勿忘拜令徐聞徐聞固海甌巖邑下車
約僚屬曰海甌僻野民無二性吾輩守清慎勤三字符
徹始終民孚而上獲必得之數一以撫綏爲主汰里甲
之科派懲惡少之賭博絕市猾之包攬而修黷官以興
士申保甲以彌盜無知犯法者矜而宥之囂悍不悛者
法而哀之旱則步禱若由已饑之也神婁効厥靈於吾
民罔所不用其想者海外番民逞令秦越眎之阿武弁
程功者比比公獨眎番民卽吾民曾有以颶風漂至者
衛官持而冒功公詢之知其爲番民躬詣舟驗無凶具
雪之給之舟資所生百餘人歲爾者四五盖全活將千

人徐士大夫有及荒服頌臺使者廉而交薦之得奏績
蒙 恩贈文林郎暨母蔡孺人公報父母之願畢倦勤
有歸志甲午仲孤麟夫病故公哭之慟歸志益決三上
書爲監司固留不得行旋推擢南北部部會大審公覲
歿者必詳慎不寢食爲求生道無生道者則歛歔再四
稍存生道者必置矜疑蒙活諸囚祈春等咸父母戴之
大司寇趙公少司寇謝公呼公以仁人君子余得以惠
文左右其間知公亶仁人君子哉南都正釋之定國斲
公公以 仁太后陵表北而倏南南而倏仙嗟嗟乎傷
哉公之北而南也怡怡煦煦集子若孫譚經商確時藝
密林漫稿 卷之三 十八

忽病脾漸減食減肌麟夫輩驚思不能忍涕公洞晰生
歿戒諸孤勿作兒女子態縱不諱而輩克苦志喬誨洽
宗鄙比戚朋吾歿猶生沐浴易簣以受天命靡片語及
產費書伯兄汝賢公沒齒執弟子禮隅坐徐行推揚于
學使者被冠服八十尚健善飯公憾不得飴老公有姊
適蔡文奎孀居七十而先公卒公又憾不得聞幽號孝
友者李世如公能幾此據麟夫狀云公者顧余之知公
自己丑同籍公父母弟戚余余父母兄戚公聯居聯寢
食數閱月公直而婉諒而溫使人坐春風鄙吝潛銷違
以己丑合以乙未余厚幸於公緣結不偶意公之器之

養必大任必引年而公之終也迺其生嘉靖纔甲午纔六十四春秋嗟嗟乎傷哉公髻而達壯而科逾壯而第逾艾而郎僅逾下壽而上仙天之豐公僉不可知已公配羅孺人出務下耆英一安女生子四伯麒夫邑諸生娶東郭蔡天善女仲麟夫郡諸生胡教諭閔男其求次女前公三年故鶚夫禮部儒士娶彭氏濟長女季鵬夫郡諸生胡署丞雲龍男志華女孫男六維理娶諸生胡維祈女維璿娶李皆寅女維英未聘麒夫出維宣聘添令公元中男上舍器成女麟夫出維理聘天寶劉守國長女維璟聘蔡舉人文穆男啟賢女鵬夫出孫女七麒

密林漫稿

卷之三

十九

之女二長許聘添惟善次許胡大夫大成皆第三子麟之女二長許聘蔡文勳長子次尚幼鶚之女二長許聘添少叅文昌男郡諸生大成子次亦幼鵬之女一許聘彭舉人天魁長女嗟嗟乎傷哉讀公之狀則以徐文濱于歿者頻以終牘下爲足公之素位不願外生平心行一言蓋矣公亶仁人君子哉是不可無銘銘曰猗與熊公孝友溫良誕叶吉夢幼擅詞場侷蹶侷起二人用光願酬終養菴遂顯揚徐聞之績煌煌贈章丸原可作疇曰旣亡平亭生枉此比刑于祥厥施未究厥慶滋長桂蘭森茁天祐有常千祀如在欽丘之陽

九十一翁冠帶鄉賓晏鵲峰墓誌銘

余邑鄒孝廉嗣藩君爲仲孫嬭翁其仲子則臨諭之泚
江晏司理日啟君右軍選也習司理之王父有九十一
翁年高德邵蘭桂森茁壬子秋余應 召偕鄒君行會
司理君偕弟日曙君是科同登賢書僉艷翁厚食其報
何慶者方在門吊者遽在閭而九十一翁陶陶仙矣司
理君伯仲以赴禮闈未躬舍殮泣思所闡揚之謀之鄒
君欲以隧道之文相委余逡巡未敢任迨余奉 封差
過里中正臥病以休告杜門却執司理君從莆陽孝廉
君就其家稱九十一翁瘞玉有期各加幣持翁婿竹山
密林漫稿 卷之三 二十

陳令君如綸狀申前請因返幣而衷其狀以應焉据狀
翁諱爾志字必尚別號鵲峰其先齊大夫平仲之裔世
隸真定棗強唐季有登咸通進士壩者官余邑高安家
焉生齒漸繁占籍瑞臨兩郡壩七世孫明字文廣者爲
新喻泚江鼻祖傳咸淳進士道源源子壽光任德昌判
凡五傳曰載元者翁高王父也生二子充大充信大卽
閩直指仕翹君曾王父信生英號半山公者翁父也配
黃碩人生子三翁其季子爲翁擇配簡開閩君女出樓
山名家三世不仕具載吉德邑里依表正焉誕翁翁之
慧質英風個儻不群幼工記誦迨就外傳則矢志曰儒

吾分事津津向學治毛詩擅舉子業師事從祖學正君
睿器之美高足竒于數侷奮侷躋悵然宮墻外望者久
之忽攘袂起曰儒者事功造化晉吾身寧晉吾後乎去
儒而賈其行誼籌畫族賈推祭酒甫踰年于外聞母黃
疾篤星馳省視則黃已不待獲吉歸窀穸矣終天抱恨
雖廬墓之念阻于半山公而哀毀孺慕宗里誦孝自是
慟母戀父昕夕不忍離半山公側承顏願志商之翁配
簡碩人謂陶朱計然隨宜可厝安忍父在復遠遊乎上
竭問安視膳之誠下勤鷄鳴昧旦之警大振半山公居
積以素封雄劬勞僅一紀間半山公喜可知已仁義之

密林漫稿

卷之三

三五

利未必非儒者緒餘翁歆然忤非顯揚之孝諸子纔髮
燥能受書輒期之曰儒不負我而我負儒若曹可再負
乎諸子勃勃角竒仕偉仕修次第蜚聲膠序酣戰文場
者六七試弗利仕勉仕傑雖不終儒而課子殷殷若翁
志翁喜諸孫林立復改而以期諸子者期諸孫曰儒不
負人而人負儒吾家先達夫非夫也若曹再可負乎其
課諸孫訓勅省試昕夕不倦有加於課諸子者間有詢
及田宅則正色止之曰大丈夫不能吐竒畫策流鴻名
於青雲之上求田問舍奚爲哉諸孫多昂昂千里駒遂
甲乙作文苑桓文壬子四孫赴試司理孝廉二君脫穎

先登翁業命藏燈待捷至類有幾先可謂天不負翁之
儒志翁不負儒之初志矣翁孝養兩尊人衣必綺縠食
必甘脆不以富饒儉其親而自奉寧浣衣疏食居然孤
裘不掩豆風友愛其兄皓首怡怡遇事嘗以左右手喻
子若孫繞侍動必稱古人及時賢格言尤諄諄於培植
方寸曰譬如心是蒂蒂壞必墜其果又數稱不欺二
字勵之終身與人推心置腹緩急叩者應如取携不鎔
銖子母較寬艱償者火其券安之澣水東有水陂江捐
貲建石梁無病涉者翁見義必趨施濟不靳素耻雀角
而豪有力倏以壓卵之勢橫逆嘗之則挺身直焉爲隣

密林漫稿

卷之三

五

解紛謝以暮金則執古人四知爲拒辭種種皆儒行而
崇儒一念又其獨倦者士至必賓賓席必洽語刺刺丙
夜弗休東南盡美絕無柔曼態翁神王氣昌六十不異
壯齡遽委家政于克家者若凜在得之戒蓋翁不得志
于儒而念念儒者家法以詩自娛意到輒吟觀其勉諸
子曰功全萬卷花生筆學足三冬劍倚天曰鏡裏朱顏
非舊日月中丹桂趨青年贈陳令君曰操持黃蘗三年
苦依舊青冰一土寒此去朝天原路穩休將簪笏等閑
看志大言大渾脫世俗蹊徑老益厭飲其中愛讀唐人
詩有追踪李杜之想會心處擊節高歌歌罷則弄孫曾

玄以自適或含飴於提抱者或考業於句讀者飄飄乎
恬適三十年于茲竹山君贈翁曰廟堂氣象商山侶似
也前任厲令君高翁榮以冠服賓禮之翁固遜謝有特
崇耆德之旌今任李令君表其間曰明世福星寧司理
孝廉二難以哉翁手足嬰疾稍弗良作止而躩躩無瘳
辛亥九十懸弛之旦壬子二孫賀舞之辰終日危坐意
百歲非異乃二孫拜別而北二孫泣翁亦泣曰百尺竿
頭勉旃進步恐不及再見榮歸矣不兩月無疾而瞑惟
以孝順二字永訣毫不及他倘所謂沒寧者非耶嗟嗟
果蒂之譬不欺之盟所以自勵勵子若孫者翁未儒其

衣冠而寔儒其心行宜後嗣以儒顯司理孝廉方翁家
日升月恒初耳竹山君廉吏翁冰玉之倚得于重儒烟
鑑女爲邑大夫孺人兩家慶餘將爭衡王謝李令君明
世福星之寫逼真已余生平學儒守勿自欺三字符翁
不期垂教先得我心願附不朽力疾爲之志銘其翁之
生化葬期于支名山佳城負抱子女因亞爵氏具如狀
詳左方銘曰儒厥志儒厥行儒厥子若孫竟當九十一
年親獲儒報于厥身蓋翁孝於親友於兄冥冥之陰德
在人統蒂于不欺之心永錫胤祚于無垠于萬斯年將
有徵于斯銘

劉師承訥先生墓誌銘

先生相背十三年矣俗規規堪輿家今甲寅冬仲始歸
窀穸子諸生應祖應禔以墓中誌銘屬弼執筆謂弼事
先生久知先生深畧其不文意不在文乎則於先生志
而銘之舍弼其誰也先生諱世龍字象乾別號承訥其
先京兆萬年人鼻祖度登南唐進士令臨川卜家高安
之棖塘宋則道中名諫官渙疑之及子恕恕子義仲俱
高節隱匡廬詳宋史相傳三劉先生者是已其後復還
高安故里再卜家均山櫟林窩代不乏才豪長者二十
二傳爲先生大王父訥齋公允中成進士入翰林讀中
密林漫稿

卷之三

三十四

秘書官至禮科都給事有直聲王父庠生文追父拓泉
公汝楷母盧氏一索而得先生英穎凝重居然成人出
就外傳負天下已任之志甘貧茹苦期於振訥齋公舊
業故自號承訥出試輒超儔伍列弟子員廩于上庠頻
舉德行高等癸酉科試教宗伯龍華公登薦先生登副
薦宗伯公嘗歎先生以數竒不諧世講序蓋重之亦惜
之也弼偕從弟吾翰壬申春敦請先生及門受業先生
首以盍各言志忠告善道爲題觀其立志尚友乃知立
志尚友學之急務文由心生根培而枝自茂耳先生一
言一動一楷一模剛方激切善善速惡惡嚴凡與居者

望之而邪念消躁妄平無論二三子在門者循循善誘
恪守老孔子傳文約禮教法弼幸叨第先生仍困諸生
家叅軍叔延之爲弟光祿署丞吾楫及弼子廩例國子
生家紀師旣二載教宗伯公以道義交強之北行令長
君憲檢公師之宗伯公最慎許可獨降心推轂先生師
道立而善人多從遊者遍南瑞臨三郡新吳宋別駕上
高吳郡丞前後爭致之成德達材之士未易指數此豈
聲音笑貌可以襲取者哉弼稔先生生平能亢不能徇
能和不能同如弼如宗伯公師友間莫逆意氣絕無私
干惟成已成入爲兢兢終身困躓寧不問生產母寧受
密林漫稿

卷之三

三五

緇涅至家居則孝友諄篤才裕幹濟如以玉堂青鎖墜
門顯揚訥齋公統袴子猶忤之栢泉公庫役破家先生
身當齟齬毫不累弟廉昆季皓首一心無間言推之宗
戚靡不患難相恤休戚關念賢若孝廉璞完公曰珩喜
不翅己子孝廉翁同春公世元年若道似自髮燥不翅
己弟親之族祖龍山公文正端嚴忻述不置口藹然真
情凜然正氣將以身政于家者每切切糾衆建祠修祀
典偶相地見族公有廣原可墾爲祭田者謀之族公墾
之雖祠待後賢迄今賴供事先生功不朽矣嗚呼以先
生所志所友與風勵二三子所志所友者謂何彼蒼固

盈其施縮其報耶豈吾不做吾子二郎必做在祖禋在先生諸子姓耶歲壬寅先生當首以明經薦貢于

朝屆期病卒例得稱貢元弼僭爲之題其墓曰明貢元承訥先生劉公之墓銘曰猗與三劉先生繼志惟楷惟模多士振起範我馳驅不獲詭遇孝友端方修身見世風高廬山巍巍無際神遊八極慶絳萬禩

松菴胡文學墓誌銘

癸丑春予官左廷尉大夫新昌胡繕部君夢說父第夢說不彼予昕夕過從予勗以志不在溫飽匪異人任肇不變塞變則溫飽念動靡所底極千里跬步機在出門

密林漫稿

卷之三

三六

耳夢說唯唯衣淡縞居湫隘隻班蹇乘迥殊儔輩予竊喜吾郡有人無何予急國本不諧逢時借 冊封差行

竣役告休急五易夏則夢說以若翁松菴先生訃歸夫夢說部譽鵲起正 奏最取 封章何先生不少須臾

待夢說竟抱終天憾耶今獲吉壤吉期寧先生意挹之

彼注之茲令先生食報無窮期也夢說泣狀先生行以墓文委展誦之先生固篤行古君子予亟風世忘其稚俚而樂爲之役按狀先生諱用賓字其佐號賓岩晚更號松菴始祖華林胡侍御成唐天祐進士宋則用禮三伯仲並登進士湘以用禮子令新昌家焉數傳益徙縣

治前五傳順華六傳呈瑗七傳吾立世隱德弗耀立庚
魁偉超群閭巷推轂娶於刑寔生先生蓋額載願丰範
別凡童就傳輒厭塾師訓詁之學改師豐城孫先生則
尤異者此熊觀察蔡督學添兵憲悉降心爲畏友先生
廿齡補邑博弟子員行崇孝友端潔文端意識古雅若
翁窘漕軍捨米重負憂憤疾篤而訣有女當嫁恨莫措
資送先生盡捐室所有簪纓服婢仰承父志而數椽敝
廬數畝確田則粥以償漕負憫父於冥冥家徒四壁先
生安之曰吾舌耕足養母復推其後父母者厚無嗣之
叔祖生事墓祭以禮至斷絃矢不再續終日扁戶誦讀
密林漫稿

卷之三

二十七

不輕接俗士邑令重夢說文行稔其急遣周者叩戶先
生徐應以兒在館母溷我爲其安貧恬適乃爾而夜拾
遺金于道院前則待旦還之少嬾有私挑之者掉肯不
顧市諂之愚秀才則曰吾愚於欲而智于理種種晚近
士所弗及則天報以夢說所云不於其身於其後非耶
先生操諸生衽寧躡蹠不偶有司必不依違悖先程而
經師易得人師難求之聞望燥干衿紳間分寧亦不遠
隣郡爭迎致之迨夢說知學席側面命衾裏耳提有造
宏多與論文則謂海內文章科名必首江省惟是江省
理學節義兢兢故以聖賢之心傳聖賢之口自切直痛

快旨哉於乎詩文則示以叅觀昔之歐曾蘇黃今之蔡
唐王李不徇時艷秦漢盛唐而人才消長係國否泰一
語中千古治忽肯綮有志有識言清行清常靜常虛故
靜而覺虛而白閱人言動晰其榮枯修短恍麻衣公夢
說子丑之捷先甲午預言于人復於癸丑正月言捷音
在春季四日午應皆如響傳者神之夢說請假省覲製
一綺衣爲壽承權先生遽正色拒曰吾安與布衣此物
奚宜至哉會夢說當就選依依謀終養先生則厲聲曰
吾父子一生苦修將覬効力國家乘吾躬覲樹立克忠
便是克孝安可作兒女子戀乎諸親交僉從史以顯揚
密林漫稿

卷之三

三

說先生年雖踰古稀健飯健步日炯炯聲轟轟其康壯
百歲未足異夢說方奉命北征遂選主繕部事先生儼
然尚書郎封君矣而靜室吟哦儒服浣綬猶然寒生則
今昔見聞難一二屈指蓋胸次渾忘窮通加損者宜兩
臺之冠帶不御郡邑之賓筵不赴凡長安家音累千百
言惟以肅官箴做人品勵夢說耳嗟嗟詳夢說狀先生
可起予願執鞭矧夢說英茂嚮王賢豪纔月恒日升時
須在在念念顧諟先生遺言遺行不愧科名爲 朝廷
正人爲乾坤肖子錫光九泉知先生之靈含笑矣先生
以嘉靖辛丑生萬曆丁巳卒享年七十有七娶徐生男

一卽繕部君維霖夢說其字也娶朱女一寶貞嫁鄔某
孫男一昂兒名拱辰孫女一淑貞幼未聘字夢說以今
春孟之吉迎先生柩管窀窆于邑西門翰臺右山七星
堆首某趾某銘曰士風下趨堅白淄磷皦皦松菴潔志
砥行文卑綺調動軌先程獨信獨詣寧與世屯愚欲智
理節義自矜教崇人品識脫凡情曰部郎父布衣安貧
孝友清恬今士古人顯揚有子矜貴 恩綸榮昌不朽
軼茲貞珉

明益府典儀太叔靜齋朱公墓誌銘

萬曆辛丑年癸巳月日丁巳時叅軍金橋公將奉其仲

密林漫稿

卷之三

三五

父典儀靜齋公柩葬于本里下埠港官山祖隴之前首
丁趾癸先期遺狀吾弼屬之誌銘吾弼大父於太叔蓋
三從兄弟也公之懿行又弼所耳而目素者安容以不
文辭按狀公諱統善字仁甫行見三別號靜齋沛縣教
諭石泉先生仲子也母盧孺人嘉靖丁亥十月十二日
辰時生公公秉教諭公虛孺人長厚正氣生而器度溫
純性資明敏自幼好讀古人書年十三隨教諭公于靖
江沛縣朝夕庭趨傳聞強記頗饒志學屢困有司遂就
臬從事入公門輯輯謹守役滿以文無害當奉例北上
意在表見無奈苦目翳若天欲逸之而奪其明者勉授

益府典儀守居恬淡自守享教諭公遺產而擴殖之雖稱饒裕毫無多恣惟不惜囊金施棺造橋若本居下巖橋南麓鄢家橋滸港橋西港橋是也公與伯兄小泉公少南公望山公先柱史公諸長者輩優游林壑依稀洛杜而處宗族鄉黨稱勤儉溫恭君子莫不首公云公元配來蘇劉氏繼配樂安吳氏俱無出先公卒丁酉冬又娶新吳交湖涂氏亦無出側室李氏生女吾貞適太保吳文端公季孫夢葵卽鴻臚嗣泉公第四子也公無子初繼親兄幼子繼韶早卒復繼堂兄幼子繼舉又卒及劉氏喪叅軍應繼丁憂矣後因本支當嗣乃以仲子吾密林漫稿

卷之三

三十

植立嗣繼韶而歸植復卒公暮年慨二慨子無嗣乃收堂姪繼榮幼子吾倬立嗣繼舉而以叅軍公仲孫家補立嗣吾植繼繼韶永承宗祧焉庚子春公疾知不能起迺集衆撥分家產遍及乎同祖諸姪復以庾田二十畝入祠充義田傳不朽亦可謂仁且智矣公歿于萬曆庚子年二月二十一日享年七十有四叅軍公用公治命以禮葬焉銘曰卓哉我公間世豪傑克守先業冥冥作德令聞廣譽播于鄉國銘之貞石奕世爲烈

鄒母簡太孺人墓誌銘

簡孺人者余同邑鄒孝廉嗣藩母也以疾終于乙巳季

夏嗣藩將于今春吉奉孺人歸窀貆手持其舅氏簡孝廉懋爵所爲狀再稽顙而請曰母氏不祿念無能釋余痛幸賜一言以志其幽歿且不朽余不文遂巡辭之弗獲姑就簡孝廉文裁括應焉按狀孺人出喻水之北樓山國初雲軒公以給事顯歷傳敬心公與太僕竹亭公兄弟也敬心公再傳調元公是爲孺人父母敖氏寔誕孺人諱循娣慈淑貞靜幼于女經內則諸書洞厥大旨有志操女紅咸戒習中庭絕履綦跡調元公最憐重謂母敖曰此女君子好速當春相攸者樓山密吾高安桂林里調元公偶有碧山神祠之禱而鄒西坪公邂逅傾密林漫稿

卷之三

三十一

盖懽若平生延入作主賓禮見其伯子勉吾公英英負食牛氣調元公遂快然以孺人許字之勉吾公倜儻剛方卑眎俗學十九爲博士弟子遂不志溫飽日勵諸昆季曰我爾修習聖賢格言致之行事蘄爲翁大人克家子而何暇內顧孺人逢公以鷄鳴先昧旦遑遑脫簪珥機杼佐之孺人自嬪于鄒執冢嬪禮任黎碩人中饋西坪公學以徭役荒家以氣岸落猶好爲德于人忘其有無固勉吾公能養志疇不多孺人力哉至罄所有以公同氣假稱貸以拯人急孺人甘併食成勉吾公義又可謂能丈夫所不能而怡愉娣嬭間無迂色無間言其小

者勉吾公有子孝廉穎異嗜學不以屢空櫻懷公喜謂孺人曰子能讀父書澹然無俗士氣味知我者天吾不復兀兀寒燈下自苦矣孺人方幸孝廉爲父了書責竟未境之志遂舉案懽食報孝廉何天不憖遺勉吾公遽疾淹夏秋孺人率孝廉弛食寢百方調視竟弗能起孺人孝廉相向慟不欲生無奈孝廉孤孺人杖淚引大義寬孝廉云父去徒四壁耳與致命哭歿令而父不血食寧致心治喪圖顯揚大孝乎不其然未亡人豈難相從地下而爲是須臾忍也者孝廉不以貧故含殮塋祭少嗇于禮賢孝廉者輒賢孺人自是孺人與孝廉相依爲

密林漫稿

卷之三

三十一

命孝廉傷父齋志以歿茹荼燃藜以天下爲己任孺人固齊芳和熊母矣迨孝廉丁酉捷聞而孺人不色喜且

然以孝廉父不及見爲悲孝廉三與計偕覬逮祿養取

封章酬孺人光勉吾公於泉壤孺人病暑瘧乃不終日

與內寢天不可問矣孺人卒在萬曆乙巳六月上旬去

嘉靖丁酉中秋廿八之生日享年六十有九子男一卽

孝廉嗣藩娶于靖江太平廖女一適郡增生席一貫孫

男四試梁先議龍城敖國子生廷栻伯子女聘廖應貞

女試霖議嫻臨郡增生渝北潯江晏日啟女試楠議嫻

郡庠生磐石陳亮工伯子女試楞孫女四異媿適樂安

吳郡曹郎伯孫維道中媿受青山孫孝廉伯子必進聘少媿受太平門袁孝廉仲子位聘坤媿俱廖出孺人厝之日爲萬曆丁未仲春初九寅時以乾巽起佳城牛息山之陽從先兆也嗟嗟孺人於調元公爲賢女於勉吾公爲賢嬪於孝廉公爲賢母是可以銘銘曰簡之淑女鄒之令妻爲鄒孟母簡狄燕貽牛山隆隆佳氣楚楚子銘在石百千年於此

陳母梁恭人墓誌銘

陳母梁恭人者余邑高安同年豫華憲使公配孝廉紹美母也歿于壬子春塋于戊午夏孝廉終天抱憾匍伏密林漫稿

卷之三

三三

泣叩以神返室堂禮屬余又自爲狀屬余誌其墓而銘之誼不容諉按狀恭人出邑銅湖舊族父梁公文母姓左氏生有貴徵淑慧殊凡女十四歸憲使公尚女執嬪事恭人器度幹濟習練勝老成承尊章權憲使公負才諸生號二戴桓文擁馬帳應弟子迎安然無仰俯內顧則恭人以憲使公丙子魁鄉書己丑方登第中間忘寤頓績學待用靡匪鷄鳴助至贈姑病佐憲使公供湯藥喪塋復佐如禮不以煩憲使公昆季憲使公久困公車蕭然書生內外家政一切倚辦恭人實躬督理執中饋夜則拭几伴讀憲使公勵志金馬苦司馬消渴偶病痰

恭人告天請以身代不解衣帶者逾年勿藥有喜而後
卽安惟慮憲使公柔脆弗堪北征風露輒淚沾襟徹冬
春午夜禮斗遂夢燦星三五與憲使公揖讓覺而異香
襲體祥光燭室無何捷至謂恭人精誠所感信如人言
憲使公占進士高等任北部則稱明允守東魯則稱循
良備兵閩之福清則稱賢監司恭人三荷 綸音殊寵
食報渥矣恭人念海道任重憲使公綢繆防輯鮮寢食
寧以倦鳥知還爲諷豈閨閣中識也乎哉憲使公夙志
未酬論定仍出備兵朗寧邊疆也遠歷站鳶掛祿之塗
僻蒞蠻荒瘴癘之鄉恭人竟不忍其單車赴公傍有尼
密林漫稿

卷之三

三十四

行者則曰見計偕鮮親侍同佚憚勸舉案之謂何毫無
踳踳有婢歿於瘴俗忌染避乃痛哭經紀殮殯存賻遺
孤凝然不惑鬼物恒談憲使公悟杓鑿難諧亟思以未
竟之業付子姓決于高尚恭人從史拂袖長往不需報
世始知憲使公非戀戀者恭人之任嬪克嬪爾爾恭人
七乳僅存三子女伯孝廉君能讀父書仲亦岐嶷翩翩
二難課督禮繩不少姑息真愛而能勞者無祿仲天封
翁捐館拮据應吊者未嘗以慟斬且百方調停憲使公
昆季藉藉口語尤人所難孝廉已酉得雋恭人勅其操
行戒其干謁以實以讓無習遊閑無工機械種種義方

訓孝廉奮而頻躓矢依依膝下恭人促曰而父母覲目顯庸此孝廉所以生不養疾不侍歿不親含訣泣盡繼之以血傷恭人之任母克母不能爲情之甚者其新堂構掄代理之能僕鼓子來之人心憲使公無所事事及它周急拯患助津梁庵普賢祠協天清明覆骨培野壟生平勤儉操作不異味不美錦爲里媪驚詫則恭人緒餘耳諺云不知其煩知其夫不知其母知其子夫憲使子孝廉而任煩任母如恭人狀可銘不朽者恭人終萬曆壬子二月十二日距生嘉靖辛酉正月十四五十二春耳雖享壽於德世短於名而麟趾麟定振振未艾恭

密林漫稿

卷之三

三五

人足含笑九原矣良港佳城孝廉卜之神授負抱窀穸之塋爲某年某月某日二子紹美紹藻美已酉舉人娶奉新上場廖國學邦仕女藻南昌縣庠生娶梓溪州伯曰場女一女順英適珠湖傅司寇冢孫邑庠生傅涵孫男美子岱邑庠生娶劉宗伯任子一琦女銘曰憲使出處如水斯涉寔惟恭人是贊是攝聖善和熊無忝母德公子公姓克世厥業良港之原有封馬鬣千秋萬歲光裕閣閱

封太宜人鄒母劉氏墓誌銘

新昌鄒司理君孟闡初舉進士拜延平司理奉太宜人

就養戒君無忘藜藿時惟持廉秉公省刑慎辟爲諄諄
故君九年一塵不染無匹夫匹婦不被澤太宜人偶疾
劇至窮僻耕夫紅女爲禱禴疲一郡巫祝已禴異事迨
迎入南署復有兩職談兵盡忠報國之語士夫傳者相
與詫太宜人賢司馬君憤建酉謀逆恨不滅此朝食撫
練行伍籌畫機宜太宜人恐家在署分其營職心遂携
家歸君念不遑將母承進香役竣紆道省覲無何太宜
人以疾終內寢南士卒聞訃皆痛哭尤異之異者論者
謂司馬君能使太宜人以賢聞縉紳動軍民又生能致
其養歿能致其殮非孝誠有是哉君伯仲新扞佳城將

密林漫稿

卷之三

三六

以今某月吉迎太宜人葬焉自爲狀請予銘其墓予固
習君賢與遊且深知其孝者難以不文諉按狀太宜人
出天寶會市劉公椿之後科第世家父生正暘谷公苦
學有儒行母吳氏以嘉靖庚戌生太宜人五歲而失恃
依從王母李憐育之太宜人雖孱幼乎端肅迥殊凡女
稍長暘谷公授以孝經女史諸書輒通其大指見古賢
人淑女忠孝節義事輒有思齊卓志公眷相攸俞贈大
夫委禽焉大夫之室屢空大夫之母性下急太宜人不
難解簪珥殖生兼勤紉績以鷄鳴助昧且事姑曲謹多
方承懽少不解頤則跪請或托諸母奴作說獲其底豫

而後卽安間有誚讓答楚順受畧無愠色萬曆壬午大
夫浪跡江湖不問家里多凶歲窘於饑太宜人手操作
資給自甘脫粟草蔬而於姑必強措酒肉精饌進每遇
誕辰節序恐姑念子遠遊傷心必強如例上衣履設宴
會爲笑樂辛卯姑病痢臥弗起太宜人躬苦滌掖者匝
月大夫客十年亦思母抵子舍共襄大事相向哀毀骨
立所禰大孝終身慕者太宜人有焉大夫居喪四十日
未內宿竟出真州卒于旅次太宜人接函問觸柱欲絕
勺水不入口傍以諸孤爲言始熟思起飲食大夫有子
錢負所遺僅田數畝屋數椽悉捐以償而諭司馬君伯
密林漫稿

卷之三

三七

仲曰吾母子業去可來可負人以貽若父不安於地下
乎若等耕者耕學者學吾與兒媳績者績各業若業母
辱先人勤修以竣命寧忍饑以十指供日用然猶典粥
供束修令司馬君擇師以覲顯揚每念大夫輒淚落拜
封念大夫更淚甚嘗思登丘壠與大夫訣皆超越常情
先是司馬君伯仲能就傅不以大夫落莫外遊延師課
子有朋自遠來者器什無不賴周旋至潔茗授食以隆
師友必其手具門有長者車喜而賓禮不以貧故廢交
非其類朴責繼以涕泣無忝義方故長公次公挺立克
家司馬君癸卯甫應試高薦與計偕太宜人猶手續曰

以佐兒廉丁未成進士司理延津奉太宜人養于理署
自公退食動曰今卽刻苦跡昔何若湏嘗憶未遇時勿
變塞刑勿恣怒辟勿輕入以物養無寧以善養太宜人
天性淡素蔬食布衣如昔君廉仁忠直目擊閩瑞霄斃
商氓多命反欲當道誣罪其未斃者持公昌言活數十
戶百十人召選治行當第一而以不逢世沮人或有謂
宜人曰汝子剛直而執盍少委蛇以諧時荅曰官無大
小惟善爲之子苟能官終身司理何害卽由此罷黜亦
何害否則臺諫無謂耳戊午遷南兵尚書郎正奴酋作
難遼陽告警君不忍離母仍奉養于南署太宜人聞

密林漫稿

卷之三

三八

朝廷徵南兵行討曰孺子忠 君報國在此時也勉之
我心携家歸若得一意職事君不能留未幾清河開原
鉄嶺等衛繼撫順破大司馬疏請再調南兵飛檄促君
往視事太宜人偶遺和君難于行太宜人督以國家有
難非若泄泄鄉園日速發圖報勿以我爲念司馬君泣
別星馳前後條兵餉封事者三宏猷讜論忠侃激切當
事者倘宏翁受重任責成卽如岳武穆與諸君痛飲黃
龍府以長纓繫奴酋於闕下可待胡爲乎忌賢抑才任
薦司馬者扼腕交章不聽必予奴以遼陷忠義無辜臣
民肝腦塗地慘如今也君前以

神宗皇帝賓天而北進香禮畢念殿陟屺紆道歸省方喜 上覃恩贈君晉奉直大夫太宜人晉今封康樂弄

孫君得舞錦稱觴母子兄弟聚順重慶堂中胡慶者在門吊者遽在閭樞部不能借箸疆場不能借乘鉞以清烽燧俾君啣家恤兼啣國恤不能爲情之甚也太宜人歿天啓元年辛酉元旦日距生庚戌五月初三春秋七十有二子三長維和禮部儒士娶陳次維瑚娶添又次維璉孟闇其字丁未進士官南兵部職方司郎中初娶劉贈宜人繼胡封宜人女一元貞適禮部儒士劉君熙成孫男二長安生璉出聘鴻臚寺序班趙君有光女次

密林漫稿

卷之三

三九

韜生和出孫女二長桂貞和出許聘庠生劉君鳳起子得祿次蘭貞璉出許聘西安府同知吳君之才第四子元來宅兆在本邑逍遙之茜坪虎形坐陶姓屋後負壬抱丙兼巳亥天啓元年某月某日某時則其迎窆吉期也夫太宜人上孝嚴姑則以嬪道爲大夫兼子道下成賢子則以母道爲大夫兼父道至族有貴母而貧不諂身爲命嬪而貴不驕與祀先以誠正家以肅徽音未可縷指而司馬君之能臣能子賴長公次公之難兄難弟一無忝於慈教或兵革奪情或從吉還 朝司馬君旣移忠全孝其移孝全忠定券於他日者太宜人與大夫

足含笑夜臺矣銘曰誰母無子而子則嬾誰子無父而父則母是嬾是母厥顯惟子松生徂徠栢生新甫二山因之名垂今古司馬清勁直松栢伍天眷忠孝錫母純嘏我銘母行億萬世之逍遙不朽以此

蔡宮保見麓先生墓表

筠陽新吳雖南瑞二郡而蔡朱相去不及三舍而邇吾弼於見麓先生蔡公私淑自幼迨李宛陵明公操院優薦稱門下士嗣備員南臺公亦以太宰居南幸朝夕承教是知公無如吾弼者公于萬曆庚戌春季捐館訃聞于朝祭塋贈謚予全典特加祭二壇公子輔奉公

密林漫稿

卷之三

四

歸窀穸得吉有期輔乞南臯鄒公元標爲銘其墓而以表隧道屬吾弼狎其知忘其俚也誼弗克諉當左侍御蒼嶼公光斗以中翰奉命臨穴吾弼走執紼兼執圭道旣五易臘負諾責于今羈何謫旨耳公諱國珍字汝聘號見麓歸隱又號虬阿山人其先世爲閩崇安彭雲翔雲翔二子長文蔚次文堅依母王徙奉新石溪溪傍高樓蔡氏室虛無人蔚堅居之有紫衣朱冠之祥母王卒葬金牛塘距石溪里許皆蔡地姑冒蔡姓蔚堅日振共計蔚還彭徙三坪無絕若祖堅仍蔡示不忘厥自蔡代有世德邑稱素封名家曾祖學舜舜生鎮鎮好善

樂施余里梅仙道院三清神像其所塑者公乳名曾壽
傳道院中鎮生焰是爲公父厥善厥施彌恢先志鎮焰
兩世俱以公貴贈吏部尚書母李夫人實生公英穎非
常五齡就塾輒數百言了了七歲對偶驚人焰喜抱置
膝曰吾有此亢宗子安用阿堵爲迢迢折券市義公文
杼獨見不隨俗脂十二廩于庠已酉當大比會贈公病
留扶視延醫祈天願以身代贈公不祿幾於毀滅母李
夫人曰兒忘父言耶始節哀寬母多方承懽知母鍾愛
弟妹所處務當厥心乙卯領鄉薦單騎歸弗逐隊耀里
中人竒其識丙辰第進士時分宜相國召飲服色闇躋
密林漫稿

卷之三

四十一

衣以儉詫諸進士僉唯唯以儉諛公獨謂相國當衣被
天下無美詞分宜器之欲羅致幕下公患膩染托養母
請南選南比部公爲諸生讀書間讀律儕輩訝之公筮
仕讞折平允若取幼學壯行者會兵曹縛盜囚七十餘
人當大辟公廉情而宥其不寃者他悉生之公奏績還
病池河道上濱危一夕夢歿生囚祖先代之顓天一衣
寇神告曰公眎曾亞卿體骨勝定位寇百僚遂霍然起
公譽聞日燥改主南銓事甲子應新例同考試南場所
拔盡名士旋推督學八閩肅師範端士習尚文必心得
尚行必身修凡權貴故知毫無昵揚矯抑念令閩無遺

珠若大學士李溫陵封大學士葉福清其最著者公陟
吧殷懷遽稱疾乞休養母夫人期年恪共子道無遺憾
丙戌起楚叅政備兵湖北洞苗內訌武弁材官方張皇
議兵公度持檄可定檄下之日洞苗帖服湖北居鮮
尺刃斗粟之費樹化暴安土之勲晉蜀按察使辰沅人
感德卧轍至今尸視之公執法于蜀則獄無縱枉屬化
貪殘凜凜得外臺體由蜀晉浙右布政醵金遺蜀藏不
利亦不名無何晉左布政公稽兵餉織造苦軍匠破例
無錙銖私咸頌功德建祠朱相國有祠記浙士民人人
望公開府公且拜疏拂袖舟次丹陽操江都御史之簡

密林漫稿

卷之三

四十一

及矣 聖眷隆渥踰歲晉左副都御史協理院事吏部
左右侍郎南吏部尚書久之晉吏部尚書蓋張新建推
轂引以相助者公別賢奸捐毀譽起廢三品之真稱衡
鑑至請修省請建 儲皆倡諸臣直行已志畧不少徇
覺新建有後言公欲持銓體新建欲持相體嘆曰吾安
敢違心負所學負吾 君誤國誤天下蒼生不得其職
則去耳疏八上奉旨賜馳驛歸林居十三年而全生全
歸兩臺章上太宰議贈光祿大夫太子太保宗伯議祭
墓葬如例差官加祭予謚任子任孫皆異數也南臬公
最慎許可推公與宋歸德陸平湖孫陳二餘姚相伯仲

允爲確論白門舊有學會臺省常不與獨祝無功世祿
官吏垣弼官福建道隨公偕許敬菴楊復所周海門諸
公聚講諸公每講輒摘訟朱子各註疏自雄聽惑茫昧
退而罔得質之公嘗勗以言行相顧則慥慥君子與悟
而侈談寧默而實履子知此思過半矣公居室無旁牀
讓侄以吉基食貧貨可材之山木陶陶與農圃遊終其
天年所著有奏疏詩文數卷夫出爲賢公卿處爲隱君
子病則神福之歿則神告之公固天地間氣一代名臣
特掇拾誌狀與所獨知者表之俾今法後傳云公之生
化塋之抱負暨子姓婚媾備詳誌狀今丁巳輔娶側室
宰林漫稿

卷之三

四三

余氏生子夢麟珠出老蚌聞者喜天報世德不爽將振
振繩繩未艾也

州刺史懷明劉公墓表

懷明劉公與余同起家髡庠公朴衷冲度長在余父事
行竟締交余呼小友相後先資麗澤者十年所幸同登
乙酉賢書曾字叔孫以伯子女無祿孫殤余兩人莫逆
在世講昆弟中不多指屈公臨訣屬余表其墓蓋元伯
巨卿余也公伯子太學生全仁偕仲季全儷全似傳命
泣懇余安忍辭公諱幹正字子禎別號懷明其先某由
某地徒曾大父某大父某父某世載厥德母某氏生公

幼質英篤異凡兒當父母心禔身志學渾無俗士態余
最寡合獨於公傾蓋若平生一真所聯耳又十年所余
官御史監察南臺公始倦上公車署姑孰邑博事正今
巡撫順天中丞斗陽劉公巡按應天時所駐首魁公師
道端嚴教先士行非公不見邑宰而正文體勤考課却
費周貧令弟子員鼓舞傾心嗣邑賢以高第顯者多識
援中人斗陽公首薦公且以應衡文聘例得六館公惟
正已無求次薦者慮防已夤主爵遽擢公令浙松陽矣公
恬不介意曰成均造士過化惟艱嚴邑安民平理或易
吾無忝其易者足以報 國行志於人何尤捧檄忻然

密林漫稿

卷之三

四四

往仁心爲質以古循良自待標于堂曰居敬行簡平易
近民一味休息教養是亟寧無簿書赫赫聲松之囂俗
頓革已捐俸徙學宮王地大有造松士者功更不朽松
人願公長子孫而當軸揚少宰公直指牛左周吳諸公
僉推轂公以治行高等擢守滇南之祿勸州士民戀戀
懇上保留弗遂爲立祠暨碑公之福松松之德公讀其
政績去思二刻展矣至誠未有不動者祿勸戰爭甫戢
瘡痍未綏當事謂盤錯需利器將冀渤海期公公子姓
振振具麟趾角欲付未竟之業輒折腰五斗拂袖賦歸
來浙之賢紳惜其隱者無不羨其高公一家居恬退却

軌仁讓儉飭日提命子姓恂恂若訓最其步武毫不與外事時華澆積習賴公漸移無論居間射利公所最耻卽麗邑鄉社法賢賢虛大賓席敦請固遜之余愚直不能逢世方以告在里會公歸自松遂相携過舍數宿聯牀鷄黍娛情澹泊明志惟道淬勵共全晚節爲兢兢堅訂漁樵之盟思續洛社之會何天不憖遺公以壬子秋遂捐館舍維河東之鳳九畹之蘭和鳴森茁公可瞑目而余夫範侶殊重惻心矣夫表揚之名而勸之義也揚古以勸今揚前以勸後公師則賢師令則賢令居鄉則鄉之賢士夫至棄刺史輕於敝履有廉頑立懦遺風密林漫稿

卷之三

四十五

允足揚而勸余特表之神道俾見者知今式焉配徐氏繼陳氏其子女婚媾公之生化歸藏千支佳城抱負詳載墓誌不述

妙真宮吳鍊師魁元墓碑

自三教岐玄釋眯人爲世道大蠹故吾儒嚴於衛道者入主出奴尚當于其徒由由與偕且爲諛墓乎奈末季滋爲鮮真儒尤鮮真玄釋而轉移在真歸斯受之乃衛道微權此余不能固拒鍊師弟子之請也鍊師姓吳氏名魁元玄號黔泉邑北鄉梨塘人柱史克英公族孫初諸父吳瑞吉住持妙真鍊師依之讀書宮中瑞吉窺其

志意卓犖襟度開朗非風塵人度爲弟子弟子鍊師學
玄崇儒時傳同寇范叅知謀楊別駕廩吳州刺史諸公
僉折節與游彈棋飛觴戀戀故交迨余講稅宮西鍊師
期待嚴重明年下榻延禮蓋乙亥冬余偕弟吾翰列上
庠嗣是多主其悟玄堂稔鍊師注厝過超道流恪守清
規敬共法事興廢舉墜殫力勑暨宮門一旦整肅山中
諸弟子如己弟子出入無敢屑越玄風大振中州羊公
以北臺左遷颺丞聞而嘉尚携之飲水劍井上遣官大
施修飾錫之扁曰靈感大聖又曰晉興福地足號妙真
武宣矣且謂教本淨明忠孝豈誠亡親戚故梨塘中落
密林漫稿

卷之三

四六

鍊師不以方外諉親親長長老幼周貧捍患族眷
十九倚鍊師斯其玄名儒行有吾儒所弗及道徒三人
長者吳永嘉習靜悟玄知文上書冲然儒者雅度具鍊
師所讓南禮部給有都紀職卽劄付旌之其孝友謙和
好士好客虔于神明切于利濟親居拓土則與仲添永
光季吳永輝孫徒涂正紀潘顯貴董善繼述者多鍊師
倦勤而喜飄飄物外有山水趣金陵佳麗太和勝境足
跡幾徧化之日時預定于三夕前如常沐浴更衣呼徒
子孫宮内外及親知正襟坐別非稍有主持不及此嗟
嗟若鍊師者不愧其真可以反真瞑目矣

書六世祖東里齋公墓碑陰

公諱道宣乳名倫行四號東里齋公高祖逢源領元鄉薦官楚曾祖勉行以孝稱祖誠則洪武初薦辟司訓魁庠父仲常鄉飲賓母諶氏公生而豪宕英邁樂善喜施里中推義社黨取平故年及耆羣邑延之賓于鄉陶情山水嗜堪輿里得佳城于本都石坑獅形自治生塋羅圍築柳立門其上如陽宅創出已見九磚盡勒高安社山耆英朱道宣墓字付陶者毫不滯俗忌此之達觀尤有道所希胤是歲逢初度輒携子姓延宗戚鼓吹酣飲其上春秋踰大耋授

密林漫稿

卷之三

四七

恩例宥帶肇初衍慶堂挹清坊一時爲燕詒計無右公者宅坊一居雖燬于華林兵燹堂猶祀公香火衣冠繩繩螫螫方稱昌熾當年以無病終正寢庶幾古之全生抱亥兼與乾經百五十餘歲墓門圍垣幾頽合公支外內卑尊食指半千長者賢者久圖修葺屢格經費統同之惟艱長慮却顧協議歸一永保祖塋頗重其直衆多遜避弼方留滯南御史臺而子家紀正扶母柩在苦由中日爲母尋坏土輿情翁屬遂奉長者賢者命納直蓋萬曆甲辰秋也卜巳酉八月九日附塋姚孺人于左易

磚爲石撤其類一新之公舊未有墓文恐久而無攷特立碑書此于碑陰以志不朽其子姓繁盛載譜中亦非七尺之石所能容也

書高祖古直公墓碑陰

公諱淇字德源別號古直鄉飲賓道宣公伯子也母爲奉 旨輸粟旌義龍山吳氏瞻公之女公仁厚質直自其性生金玉之衷木納之表孝于二親友于二弟飲人以和卽御減獲無嫉言厲色淡樸退巽不知其爲千金子吾曾祖以範公方稱素封大厥家聲公于晚年學織屨永日分給諸僕酒後耳熱輒撻屨而歌曰有子不如密林漫稿

卷之三

四八

我要田作甚麼有子勝如我要田作甚麼一切世味不入胸中頗足稱無懷葛天氏民隄侯曠公燔邑侯温公素聞而高之以鄉飲賓于上庠授

恩例冠帶旌其門曰一鄉善士生正統甲子歿嘉靖庚寅春秋八十七公子以範公以用公以珍公皆先公卒越壬辰季冬念八寅時余祖嘉興丞明善公同性善公丞善公諸孫奉公葬于下埠港官山蜈蚣形壬癸兼午子爲瑩今母黃孺人于本山纍纍中得吉穴傍公瑩右祖父命有志表公而未之逮吾弼特爲樹碑墓側書此於碑陰俾過其墓者知有明官帶善士鄉飲者賓八十

七翁古直公在焉書之者萬曆二十九年辛亥春南光
祿少卿玄孫朱吾弼也子孫之振振有譜載石不能詳

密林漫稿

卷之三

四九

曹侍御心言公墓表

予於曹侍御心言公長十年高上同群先後復同庠予第而公始以群學生大有聲公第而予以建言忤權相家食矣居將去四舍而遙間惟寄神尺一耳迨壬子奉命丞大廷尉公正應召召選聚首長安彼此款浹恬然無求予竊忻美吾黨有人公遂無援而列南御史臺出王棲遲八年 神宗皇帝賓天遺詔方持斧理屯政江南北屯政頓清忠於 新主感遇昌言見於留臺各疏者耳目一新焉屯差復 命會癸丑京察銓憲諸當事殷鑒兩都違轍推轂公操南議公矢心執直斥其邪而密林漫稿

卷之三

五十

力能反覆者白其正而橫遭飛語者人人頌服至首倡爲王陽城直指發憤公疏尤侃侃有同快世道人心燥濕未調中外多艱屬目支撐紀綱何公竟以同臺語後不移時遽成今古耶公子孝廉杞同廩生桂護喪還里卜塋有期孝廉自具公行述暨御史大夫鄒南阜先生誌銘索予表隧道夫表公不於大賢大貴顯者而于予或以予習公拙諛可徵久遠乎公諱汝蘭字斯馨別號心言曹武惠公之後世爲吾群上高馬湖人耕讀世載吉德贈御史北峰公馳周母爲李孺人公岐嶷英敏五歲輒誦讀無遺十五失恃雖哀疚迫切恐傷贈公心每

娛以書聲焉時有志春秋從師一月卒業已了大義師
與計偕仍學易凝心爰象圖洛得四聖要旨易士多北
面之蒙山產金居近利金者寔利一害百偶族愚懼辟
公挺身代白非群守孟穀餘公仁人有直在中過亦宜
之憐奪其餼甘之矣丙午丁未聯第賢書授江津令衝
風赴任舟於富池漂流十里幾覆而免公仰天誓曰他
日歸而載非所有者舟如此日江津久苦播亂兵荒那
移訟獄繁興應龍第應虎嘯聚遺孽將煽惑白蓮教爲
亂邑無固志公下車一味撫摩調停示民安業無恐卒
寢播孽異教之禍而雉馴雁集四境皆絃歌矣嗟嗟以
密林漫稿

卷之三

五十一

公之才之志止於執法南都豈民之無祿天天是掇未
欲平治天下乎予嘗謂士饒聰明才辨者居家類自檢
修從身名起念公至忘身名計活踈族於非命者義不
反顧所未前聞居官仁民廉謹非乏而定力定識惟艱
若公之識力御史大夫鄒先生誌中所稱爲令而坐銷
反側以及危疆是以吏事而兼戎務在南臺扶正人於
白日伸讜論於千秋爲飾臺綱而縮流品者得其大矣
公之生化兆域子姓因亞詳述誌不載予姑撮其可法
可傳者表見於來世以慰公於九原

趙憲副太初年丈墓表

太初趙公余萬曆乙酉同舉於鄉丙戌己丑公以外內艱相續讀禮未與計偕壬辰一出輒第時令以理宛陵矣已酉公轉漕儲憲副會余南臺建言在告里中彼此南北不問聞者廿五年方喜合劍談心終夕合而遽分蓋公以王事鞅掌行奈之何庚戌春公竟卒於勤王耶公仲子鴻臚君有光奉公墓本境桂山廟仙人儼袖形負癸抱丁時爲己未之三月望前一日復會余以大廷尉左丞奉差在告余得執紼應鴻臚君題主之役業自爲狀索表隧道緣地不入俗眼余迂欲鴻臚君擇佳勝密林漫稿

卷之三

五十三

者改扞而鴻臚君自信已確持鄒職方匪石公志銘過余請曰有光將入 朝供奉伐石以待竣工而行余旣久負諾責誼曷容諉公諱應選字貞卿始祖嗣錫由咸淳進士任石城尉卜居新昌普里二十二傳爲蓮塘公卽公父繕部贈君母劉安人叶吉夢而公生岐嶷英敏言笑不輕誦讀過目成誦見者竒之贈君愉快每形於句有吾家千里駒之期公亦隱隱負壯志不少挫身適單陋氣雄宇宙矣鄉書報捷時慶者在門胡贈君不祿而吊者在閭耶公哀慟幾於毀滅恐傷母安人強延殘息甫從吉而母安人繼之六年苦凶憂虞萬狀叟未

嘗一日忘天下已任意竟登甲榜出宰寧陵宿號巖邑
蠹窳奸暴不可方物公一與更始剔蠹正窳祛奸戢暴
約已節用省役慎刑惟民之便謠頌四起頻膺獎薦紀
錄中州不多指屈 內召有臺省望而僅得主繕部政
任兩宮營建及 皇城等工公矢心力効忠費省公倍
冊立覃恩有勿亟而成移時而共 綸音轉副郎提督
臨清磚廠則廠戶去思旋轉都水郎提督淮黃中河而
河堤安堵所至卓有賢聲總督七省漕儲重任遂以屬
公陞山東按察司副使奉專 勅料理精詳文武爲式
軍民悅服乃當暑月神勞形瘁病矣朝夕驅馳力疾成
密林漫稿

卷之三

五十三

痼剛半載而賚志以歿於任公可謂以死勤事者余讀
蔡太宰見麓公謂公恬默寬毅不妄干人不易操已胡
刺史澹源公謂公文如唐拾遺政如漢京兆讓如晉成
季介如宋清獻洎鄒職方公相勗相成語皆其大而可
表者三公吾鄉大賢最眷許可余於公不能贅一詞姑
假三公所表章附名不朽俾式公之墓者觀焉諸狀志
詳者不載

